



**BARTHOLOMAEI
RICCII ORATIO, IN
QUA DISPUTATUR,
VTRUM MELINUS,
AN REX ABSENS...**

Bartolomeo Ricci







1083. 17



BARTHOLOMAEI RICCI
ORATIO,


In qua disputatur, vtrum meli-
us, an Rex absens per alium,
an magis ipse praesens
bellum suum gerat.
ad Alfonsum Ferr.
Ducem.



FERRARIÆ PER FRAN-
CISCVM RVBEVM. 1561.



1085. 17



BARTHOLOMÆI RICCHI
ORATIO

In qua disputantur virtutes melius
ut non Rex solent per alios
ad magis (sic) probare
ballantium potest
ad Altonum Per
Ducem



SEANKEITE PER RICCHI
CISCUM RICHARD RICCHI





Agna cōtrouerſia eſt, Alfonſe Pr. ampliſſ. vtrum in bello
 vtilius ſit, ſi Princeps, aut rex,
 quorum cauſa bellum gera-
 tur, ipſi duces, an per alios, il-
 lud gerant, qua dè re cū heſter
 no die duo nobiliſſ. atquè doctiſſ. adoleſcētes
 ſatis copioſe vterque prò ſua parte apud me
 diſputaſſent, te abſentem iudicē, me preſen-
 tem, quaſi cōmunem patronū, qui æquè vtri-
 uſque argumenta, atquè rationes tibi explica-
 rem, delegere. quare ego (vt ijs amice recepi)
 fidē meam nūc preſto, ipſe poſtea, vt a me pe-
 roratum erit, vtri magis adiudices, videbis.
 Continuò igitur qui per alios rem gerendam
 eſſe cenſebat, Regemq; ab exercitu prorsus
 amouebat, his rationib. valde (vt videbatur)
 cauſam ſuam tuebatur. Primum. n. dicebat,
 in bello rei ſūmam in ſummum diſcrimen ha-
 ud quaquàm eſſe adducendā. nam cū mul-
 ta in eo prouidenda ſint, vnum illud in pri-
 mis, imò vero omnium primum, ne rei ſum-
 ma in ſummum periculum vocetur, omni dili-
 gentia prouidendum eſſe, facile probabat.
 Quare etiā ſignorum collationes, quę niſi

A ij

aut exploratiss. victoria, aut cum res eo ducta est, ut praelium detrectari non possit, conferri debent, maximè deuitatur, ut etiàm non defuerit, isq; optimus Imperator, qui bellū trahendo, cunctatoris calumniam, quàm cū Reip. aliquo periculo signa conferre, facilius sit passus. quo vno concessio, illud quoquē necessario conceditur, Regis presentiam à bello gerendo omninò esse abducendam, atquē per alios, quàm per se illud prorsus geri oportere. quandò, quàm eius presentia hoc rei summe periculum certius, ac magis presens offerri non possit. nam si hic quoquomodo aut capiatur, aut occidatur, tū cum eo postea bellum confectum, atquē sepultum est, hostisq; victor omnia potitur, ut nostra memoria Frā cisco Galliæ Regi ad Ticinum euenisse cōstat, qui optimo peditatu, meliori etiàm equitatu paratissimus, atquē adeò, qui hostē obsessum, iamq; fame enectum habebat, subita tamen eius ex vrbe eruptione facta, capitur. quo capto, bellum confectum est, pacis condiciones ad victoris voluntatem impositę sunt. qui si plagam illam absens accepisset, continuo poterat nouum exercitum conscribere, nouas

2
copias comparare, bellum redintegrare, cap-
to verò, omnia secus euenire, multò etià
peius, cesso, euenissent. Huc accedit, quòd
non è regia dignitate esse videretur, vt hic nos-
ter fecit, vt Rex maximus, quasi cum priua-
tis militibus in certamen descenderet, verùm
si contrà hostium quoquè Rex suum exerci-
tum duceret, tùm equius res geri videretur,
cum vtriusq; exercitus par auctoritas interce-
deret: vt Turcarum Reges bellicosiss. facere
consuevere, qui quoties audiuerunt sibi pugnan-
dum esse cum hostium Rege, atquè Impera-
tore, nequè ipsi domi mansere otiosi, sed se in
illis bellis contra Imperatores præbuere.
Quid verò si Rex iste hoc modo ad exerci-
tum suum multifariam hosti suo prodesse vi-
detur? Duo sunt, quib. homines in bellicis
periculis versantur, scq; presenti morti obij-
cere non dubitant. magnę prædæ spes alte-
rum. alterum summæ glorię summum desi-
derium. quorum vtroque nihil maius, ne-
què præstariius offerri potest, quàm cum Rex
ipse præsens bellum suum administrat: hoc
enim capto cum ingenti præda maxima glo-
ria victor in cælum fertur. quo impulsu hos-

tis carebit, si hic magis domi, quàm ad exercitum, bellum curabit. Deindè, quod non tantùm formidinis, atquè metus sua iste præsentia hosti (vt isti dicunt) iniecerit, quantum etiàm studij, atquè virilis conatus in eodem excitabit. nàm cùm hic rem interius considerabit, ac Regem præsentem suis in consulendo, hortando, agendo plurimum prodesse, nusquam sibi deesse, omnia ad vnam victoriam prudenter obire, senserit, tùm vt sibi contrahæc eadem à se compareret, omni studio, omni diligentia conabirur, atquè omnes neruos, omnes vires intender, ne quicquam illis inferior sit. rem enim consulto incipiet, inceptam fortiter, atquè foeliciter conficiet. siquidem in consulendo Regis prudentiam vt æquet, omne suum consilium, in manu verò conferenda vt eum superet, omnes suas vires, omnes suos conatus adhibebit: quæ sinè hoc regio impulsu, atq; alieno Imperatore ignauius, atquè inconsultius (vt sæpius fieri solet) agi potuissent. Quid itèr, quod in hanc victoriam hostis ea quoquè ratione magis incitabitur. quòd eam laudem, atquè gloriam, si victor sit, cum nullo Rege suo habeat com-

4
municandam, sed suam propriam totam agnoscat? At, quo prætereà vestitu Rex iste, si adsit, in acie, inquit, versabitur, nam si alieno, ut fit interdum ad hostem fallendum, istam à suis, quam etiam ab hostib. non agnosceretur, atque ita nihilò amplius proficiet, quam si gregalis sit eques. Quin huic nulli auxilio id quoque summi accedit periculi, quòd si equus illum defecerit, aut is ex eo aliquo malo fato exciderit, magnum periculum erit, ne in pugna collidatur, atque incognitus ab omnib. inculcatus, deferatur. Si verò suo Regno induatur, ut cognitus suis animum addat, contra hosti terrorem incuriat, responderet. Primum longè (ut nunc nostra est militia) in eam partem, in qua regium insigne conspexerit, hostem omnia tormenta militaria esse directurum, atque unam eam partem frequentiss. pillis verberaturum, ac Regem ipsum pro suo (ut dicunt) scopo positum habiturum. Deinde quamvis occasionem nactus, quam undiquè observans, vel minimam arripiet, aut enim dolo, atque insidijs illum appeteret, aut vi aperta, atque animi virtute vel in ipsis tentorijs aggredietur: ut Roma-

nus Porſenam Regem fecit, quem niſi nobiliſſ. adoleſcentis forma, quem prò rege accepit, ſeſeſſiſſet, vno ictu bellum illud cõfeciſſet. Po. Ro. obſidione liberaffet. Quid, quod non ſolum hoc ab hoſte illi metuumdum eſt, ſed à ſuis etiã nihilò ignauius prouidendum? vt Pirrho Epirotarum Regi eueniſſet, niſi antiqua Fabricij bonitas illi præſtò affuiſſet, qui quem ſibi illum veneno necaturum obtulerat, illi cum ſuis literis, quib. eum de rota re certiore faciebat, victum remiſſit. Alexander verò, (vt multi ſuſpiciantur,) hac vna ratione de medio à ſuis ſublatus eſt. quo multiplici periculo, quoniam Reſp. caret, eo fit, vt porius ipſa plures reges ſit ſuperatura, quàm ſola ab omnib. Regib. ſuperanda, quia eius ſumma nunquàm per Imperatorem in periculum adduci poteſt. nam delecto vno exercitu, nouus reficitur. amiſſo veteri Imperatore, alter illi ſufficitur. vti Ro. Reip. eueniſſe conſtat, quæ innumerabiles Reges ſubegit, à multis ipſa vnà ſimul foedere iunctis nihil offenſa. Vt omnino magis Regem conſilio domi bellum gerere, quàm foris, aut in acie inſtruenda, aut exercitu ductando, aut manu

manu conferenda conducere videatur, quando eius persona tot sibi incommoda, tot vero hosti commoda sit allatura. Haecenus pro eo, qui Regem ab exercitu abfuturum esse censebat, remque per alios illum gerere mallebat. Nunc aggrediar, quid contra hunc aduersarius, atque statim ad rei summam, quae nunquam nisi cum res aut cogit, aut pro nobis manifeste apparet, periclitanda est. quod quidem iste sine ulla controuersia concedit, sed illud prorsus pernegat, in praesentis Regis persona tantum rei summam fortunae obijci omnino: nam si ita sit, omnes reges, qui praesentes bellum suum gessissent, rem suam male gessissent. quod tantum abest, ut euenerit, ut Philippus Macedo praesens, ac rem ipse suam gerens, tot urbes subiugaret, ut Alexandro adolescenti filio querendi causam daret. sibi nihil ab eo relinquere, in quos vires, atque virtutem suam experiri posset. qui postea tamen cum multa bella, multa etiam praelia Imperator feliciter confecisset, magni cognomentum est adeptus. Nam quod ad veneni suspicionem (ut hoc loco illi respondeam) multis partibus. ij plures sunt, qui illum

B

suapte morte obijisse, quàm qui veneno subla-
tus sit, affirmare non dubitant. . . Vt non so-
lùm quòd Rex Franciscus vt Imperator ad
exercitum esset, in causa fuerit, vt caperetur,
sed eius sola imprudentia, atquè hostium con-
temptus. nam si is fuisset, qui esse debeat, vi-
delicet, qui hostem magis fame, quàm suis ar-
mis obsessum teneri cognosceret, non ità il-
lum contempsisset, vt prò nihilo; (quid enim
prò capto dicam?) haberet, vidissetq; in sum-
ma rei desperatione homines propè victi, vic-
torem suum sepè superare solere, atquè ita ca-
utius rem gerendo nunquàm improviso op-
pressus fuisset, nequè suos prius fusos, fuga-
tosq; quàm armatos vidisset. nam cum ego, in-
quit ille, Regem exercitui suo præficio, non
illum illi præficio, qui somniculosè rem gerat,
quiq; hostē nihil faciat, qui deniquè eum cap-
tum, atquè victum, cū etiā armatus sit,
esse confidat. Sed qui per exploratores, non
solum quid ille agat, verum etiam quid con-
siliij capiat, atq; constituat, quàm quæ in suo
exercitu fierent, in singulas horas planius te-
neret. qui nihil omitteret. nulli sumptui par-
ceret. vt hostium consilia, atquè deliberatio

nes deprehensas haberet . quibus præcognitis facile postea illorum conatibus occurreret , nihilq; ad suum finem eos perducere permitteret . Vt quod ad Regē Franciscū attinet , is sua potius (vt dictū est) imprudentia, atque q; eo modo, quo esse debebat, in exercitu nō fuisset, quā quia tantū presens affuit, captus sit, qui in tali quoque casu saltem (si quid consilij habuisset) se recipere, atque ex acie incolumis excedere, atq; ē fugere, vt iterū pugnaret honeste poruisset . Quod verò aduersarius hāc regiam administrationem concedat, cum par res geritur, hoc est, cum aduersarius quoque Rex ad suū adsit exercitum, nō aut, si secus sit, nihil meam sententiam labefactat . nam si solus sit, multis cōmodis exercitus noster abundabit, quibus omnibus aduersarius carebit . Continuò enim res cū maturius constituetur, tū etiam fortius postea geretur . nam cū corā Rege quid agendum sit, decernitur, aut is id sua prudentia videt, aut à suis consiliarijs id ipsum habet optimè indagatum, qui vt illi suū consiliū probent, omne suū studiū, atque industriā certatim in consultationem adhibent . id quod in re presen-

B ij

ri, quæq̃ oculis cernatur, quàm si absens, at-
quæ de qua præter auditum habeat nihil, mul-
tò certius iudicat. Cum verò res ad manus
peruenerit, ea quidè ardentiùs geri non pos-
set. vrget enim (inquit ille) præsentia Turni.
quis enim vel supra vires suas non conabitur
antè sui Regis oculos cum hoste præliari, cui
proprio desiderio sperare quoquæ gloriæ desi-
derium accedit, cuius tantus ardor est, tanta
vis laudis, atque dulcedo, vt quisque potius
in hostium mucrones incurrere, quàm loco
pedem ne lato quidem pede referre, atque an-
te Regis conspectum fortiter pugnans cade-
re, quàm saluti suæ quouis alio modo consu-
lere mallet. Hoc autem, etsi sua quisq̃ spon-
te facit, tamen cum Rex ipse quamque aciei
partem obit, atque vnamquamque nationem,
Duces verò ipsos nominatim hortatur, vt in
rem strenue, ac fortiter incumbant, victoriam
illis certam proponit, parumq̃ abesse, quin
hostes terga vertant, summam belli in eo præ-
lio esse, ex cuius victoria sint secum postea tri-
umphaturi, demonstrat, huncq̃ postremò diè
quātum quisque armis in hostem, fide autem,
ac beneuolentia in se valeat, declaraturum.

quis rum eorum etià fugiens, in prælum
 non recurreret ardentius? quis fortis, non mul-
 tò etià fortior fiet? quis sautius, atquè pu-
 gnandò defensus, non integris viribus, non
 recentissimus reddetur? quorum si nihil ad-
 sit. hoc est, si Rex absit, meticulosus non so-
 lum, non pugnabit, sed ut primùm facultas
 dabitur, se (ut leuiter dicam) recipiet, ordi-
 nem destituet, atquè omnia conturbabit.
 fortis, ac gloriæ cupidus etià Regi absenti
 suapte sponte, atquè virtute omnià præsta-
 bit, sed multò tamen fortius, atquè valentius
 in pugna se gesserit, si, suo Imperatore Re-
 ge pugnarit spectante, atquè se impugnam
 hortante: illumq; equum imitabitur, qui na-
 tura in cursu maximè incitatus, si tamen cal-
 caribus etià incitetur, multò velocius cam-
 pum transmittet. Sed quoniam fortuna in
 omnibus rebus, præsertim autè in bellicis
 dominatur, nulla victoria tam explorata est,
 quam victori, si volet, eripere non possit. si
 verò in ipso conflictu tale quid acciderit, præ-
 stò Rex adest, qui sua prudentia statim illi oc-
 curat, atquè aliò, atquè etià interdum in
 hostes ipsos illud conuertat. ut in eo bello,

quod Tullus aduersus veientes , atquè fiden-
tes gessit, comprobatum est. nàm cùm in me-
dio prælio Rex audisset, Suferium se prodi-
disse , atquè cum suis copijs ad hostes transis-
se , continuo suis alta voce , vt etiàm hostes
audirent, clamauit. nolite timere . ego Sufe-
rium cum suis copijs eò misi, vt hostem à ter-
go adoriretur . quo audito suis animus red-
ditus est, hosti verò metus non paruus iniec-
tus. atquè ità hinc fortiter pugnando , illinc
lente, ac timidè agendo, Romanus victoriam
reportauit . quo tempore si Rex abfuiisset, res
romana collapsa fuisset. nequè credendum
est, Alexandrũ tot regna, tot prouintias tam
facilè capere potuisse, nisi ipse rem suam ge-
rens in bello continenter affuisset . At is
tandem veneno à suis sublatu est. at id do-
mi quoquè illi accidere poterat. non enim
quòd ad bellum fuisset, illud venenum (si
omnino veneno perijt) illi comparat, sed
nimia eius Ducum regnandi cupiditas, qui
eius regnum inter se postea dispertiuere.
At prædæ & summæ gloriæ spes, quas duas
res miles in bello tantum sequi videtur, nus-
quàm illi maior proponitur, quàm cum Rex

in bello, atque in acie versatur, ut qui cum suis principibus aut capi, aut fugari possit. quo perfecto, post nobilissimos equos, preciosa arma, ac praesentem vestem, atque pecuniam, redemptionis quoque pecunia consequitur. gloria vero, quae omnibus historiis celebretur. Quare videndum est, ne hac ratione hostem in nos potentiores reddamus. Concedo, inquit, qui a Rege est, meos non eam spem habere, aut tantae praedae, aut tantae gloriae, quantam meus hostis habet. Sed illud contra affirmo, Regios pro suis spoliis tuendis, atque gloria consequenda, ne scilicet ab humili exercitu Regius exercitus superetur; ac spoliatur, manibus ac pedibus omnia conaturos, quando turpius est, atque cum maiori sit infamia, omittere quod suum habeat proprium, quam alienum non acquirere. quare ut illi omnes nervos intendent in Regiam praedam consequendam, ita contra Regij, ne illis praedae sint, omnes nervos, atque vires adhibebunt, ac vitam potius ipsam, quam rem omitterent. in quo facto cum eorum res sit, horum vero spes, quanto haec superiori inferior est, tanto etiam

in prælio posteriores, qui spe, quàm qui rem possident, erunt futuri. nam si Rex is sit, qui militarem scientiam (ut par est) probè teneat, neque eius procures, atque equites Tirunculi sint, atque in armis parum exercitati, quiq; ad primum tubæ sonitum fugam arripiant. sed quorum terga ne in pugna quidem hostis viderit. nihilo in re sua tuenda, atq; gloria cōservanda, quàm hostes in iisdem inuadēdis, minus valebūt. Quod verò ille dicat hostem prudentiorem, atque fortiorem ex hostis Regis presentia reddi solere, ut qui se vident aduersus Regem, cuius vincere maxime inter sit, esse pugnaturum, quare etià irā se comparat, ut non solum cum illo pugnare audeat, sed illum etiam capere confidat. hoc quidem, ut ita sit, multis tamen ij plures sunt partibus quibus ne id quidem in mentem venit cogitare, certè meticulosi, quibus exercitus pleni sunt, hac ratione nihil profuit, qui in tali casu nihil aliud cogitant, nisi ut salutem pedibus sibi comparent. sed nullum terrorem hosti iniecerit, qui illo vacuus esse non poterit, quorū aduersus regem, cuius res tota agi intelligat, se pugnare videat. certe suis meticulo-

sosis


culosis omnem viam occluserit, nequid aut
ignauius agant, aut etiam aufugiant, fortes
verò (vt dictum est) animosiores efficiet.
Nequè illud audiendum est, quòd commo-
dius cum ijs militibus agatur in victoria, cui
nullus suus adsit Rex comparanda. quo-
niam hanc cum illo nullam habeant cōmuni-
candam, quasi verò contrà Impetatorem, qui
illis prò Rege sit, non habeant, cui maior eius
pars attribui debeat. In Regis verò vesti-
tu multum etiam ponunt, quod ab Rege sit.
nam si alieno, ne à suis quidem agnosceretur,
vt, si casus ferat, adiuuari possit. si suo, tūc
suo inditio se hosti prodiderit. vtroque, in-
quit, cum res postulabit, vtetur, vt si res dolo
conficienda sit, cum vel rustico induetur. suo
verò, cum sui cognitione opus erit. atquè ità
suis profuerit, hosti verò alterum tantum ob-
fuerit. Isconij Princeps (vt de nostris agam)
cūm urbium, atque locorum situm, atque na-
turam cognoscere vellent, tūc vel mendici ve-
stitum sumiebat, cūm verò palàm in acie ver-
sandum esset, non solum sua veste, sed notiss,
etiā armorum signis pugnabat. atque ità
vbi auxilio opus esse videbat, illò prestò ecur-

rebat, ac loco deiectus subueniebat. vbi verò
hostis acies inclinare sensisset, tùm sua manu,
atque sua præsentia eam premebat, atque ce-
dentem insequabatur, atque ità suis animum
addebat, hosti verò adimebat. neque ità latus
apertum à suis equitibus hosti præbebat, vt se
capi posse quicquam timeret. Vt in uestitu-
tantùm absit, vt quicquàm Rex offendat, vt
eo quoque rei suæ plurimum consulat. Po-
stremò verò, quod Reip. exemplo sententiam
suam tueri conetur, quæ quoniam per alios
bella gerat, magis hostem superet, quàm ab
hoste superetur. Ego non ea ratione eam
vincere censeo, quia summam rei in summū
periculum adducere non possit. sed quia op-
timis Imperatoribus, fortissimis ducibus, atq̃
exercitatisimis militibus, vt romanam fecis-
set legitur, bella gerebat. Habes Alfonse,
Princeps Ampliissime vtriusque causā (quan-
tum in me fuit) planius peroratam. nunc res-
tat, vt ipse de ea, quid sentias, proferas. cui
tuæ sententiæ nullam se prouocationem ha-
bituros, pollicentur.

FINIS.

Z 1028.14

88 858313



MC

